

Poloniæ Regnum.

*Regio & unde
dicta.*

Situs.

Cœli temperies.

Soli fertilitas.

*Animalium va-
rietas.*

*Imperium majo-
rum.*

Urbes.

POLONIA a planitie terræ (quam ipsi etiamnum *Pole* vocant) nomen habet. Vasta admodum regio est: ad Septentrionem Borussia & Pomeraniam respicit, ad Orientem Solem Massoviam & Lithuaniam; qua Merides est Russia & Hungariæ Montibus clauditur: qua Occidens Lusania, Silesia & Moravia. Longitudo cccclxxx, latitudo ccc Millarium. Regionis Aer purus, sed frigidus rigensque ac severæ hyemes. Regio omnis plana, fertilis Hordei, Frumenti, Leguminum. Abundat Fructibus, Cera, Melle, Butyro. Habet & Salis maximam copiam, qui ex terra eruitur. Habet & Aëris Fodinas in Montium jugis, Tatri, ab incolis dictis: nec non Sulphuris. Abundat insuper Armentis, adeo ut Saxonia multæque gentes Germanicæ Polonicis Bubus victitent. Varii generis videre est ibi Animalia, magnamque Pecudum & Ferarum copiam. Habet Vros, Bisontes, Tauros & Equos silvestres, Onagros, quoque & ejusmodi. Nec desunt Aves variæ magna copia, ad aucupia invitantes. Regni titulum & Majestatem accepit Polonia anno cxi regnante *Boleslao Chabri*, qui ab Ottone i i i Romanorum Imperatore regium diademata accepit. Post annos vero lxxvii sub *Boleslao Audaci*, qui crudeliter Stanislau Cracoviæ Episcopum trucidavit, regio diademata a Pontifice Romano privata est. Iterum tamen recuperatum est avitum jus, electo in Regem *Premislao* ii, Duce majoris Poloniæ & Pomeraniæ, anno cccccxv. Dividitur hæc regio in Poloniā *Majorem* & *Minorem*. *Major* est magis Septentrionalis, eamque mediam interfecat Varta fl. *Minor* est Australis eamque Vistula pererrat. In *Majore* Polonia Civitates principales istæ. *Poznan* ad *Vartam* & *Prosna* fluvios, inter colles condita, muro duplici: ædes habet lateritias amplas & multas: suburbia vasta ad Vartæ ulteriorem ripam, stagno ingenti paludibusque circumdata: nundinas etiam binas quotannis admodum celebres, & Episcopatus sedem. Habet sub se Opida ista, *Koscien* inter lutosas paludes v i i i milliariū intervallo. *Miedzyrzecze*, cujus domus omnes lignæ, estque finitima Silesiæ & Pomeraniæ: *Ostresow* in planicie inter Silvas sita; *Wschow*, *Sremck*, *Prenez* & *Rogozno*. *Calisia* Civitas est muro circumdata, inter paludes, quam *Prosna* fl. præterlabitur. Arcem muratam hoc loco fuisse, ruinæ testantur. Sub hac sunt *Guesno*, *Pyzdry*, *Wartha*, *Naklo*, *Land*, *Konin*, *Slupca* & *Kolo*, *Guesna* muro circumdata est, in planicie, inter lacus collesque. Hæc prima omnium Civitas a *Lecho* condita est: in hac Princeps Poloniæ *Beleslau Chabri* ab Ottone i i i Romanorum Imp. Regium Diadema accepit, quo ad hoc usque tempus Reges Poloniæ utuntur. *Siradia* Civitas lignea muro sepra est in planicie. Sub hac sunt *Vielunia*, *Sadeck*, *Petricovia*, *Rosprza*, & *Spicimiria*. *Petricovia* palustri loco sita, lutosa est. *Lancisia* Civitas est haud inamœna, muro fossaque clausa, in planicie. Sub ea sunt *Orlovia*, *Piatec*, *Bresnia*, *Kornazew*, *Biechow*, & alia nonnulla Opida. *Cuiavia* sive *Vladislavia* urbs ampla est, habet sub se *Bidgostiam* ad Budam fl. navigabilem, quo merces ex Polonia in Vistulam deferuntur. *Breslia* sub se habet *Radzieow*, *Crusphiciam* & *Cowalow*. *Crusphicia* post *Gnesnam* omnium Polonicarum urbium prima est, lignea, cum arce lateritia, ad Lacum *Goplo*, ex quo Lacu Mures olim prodierunt, qui *Pompilius* Principem Poloniæ in ea Arce iusta numinis ira vindictam deposcēte devoravit.